



UNIVERSITÄTS-
BIBLIOTHEK
PADERBORN

SANCTI|| IOANNIS|| DAMASCENI OPERA,||

Johannes <Damascenus>

Parisiis, 1577

De carnalibus hominibus. cap. lxvi.

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

A concessa est, nos conuertamus: vt ex ea quoq; liberos gignamus, hoc est, non iam, vt ab ancilla, disciplinas in sensum cadentes, sed, vt ab ingenia & perfecta, sapientia & prudentia.

De scandalis: & quod ea fugienda sint. CAP. LXV.



B S T V V M abundauit malitia: & lingua tua concinnabat dolos. Sedens aduersus fratrem tuum loquebaris: & aduersus filium matris tuæ ponebas scandalum. Custodi me à laqueo quem statuerunt mihi. *psal. 49.*

Væ mundo à scandalis. Necessè est enim vt veniant scandala: væ autem homini illi, per quem scandalum venit. Si autè manus tua vel pes tuus scandalizat te, abscinde eum, & proiice abs te: bonum tibi est ad vitam ingredi debilem vel claudum, quàm duas manus vel duos pedes habentem, mitti in ignem æternum. Et si oculus tuus scandalizat te, abscinde eum, & proiice abs te: bonum tibi est vnum oculum habentem in vitam intrare, quàm duos oculos habentem mitti in gehennam ignis. *Mat. 18.*

Quisquis scandalizauerit vnum ex his pusillis, qui in me credunt, bonum est ei magis, si circumdaretur mola asinaria collo eius, & in mare mitteretur. *Mar. 9.*

Videte ne licètia vestra offendiculum fiat infirmis. Si esca scandalizat fratrem meum, non manducabo carnem in æternum: ne fratrem meum scandalizem. *1. Cor. 8.*

C Sine offensione estote Iudæis & Gentibus, & Ecclesiæ Dei: sicut & ego per omnia omnibus placeo, non quærens quod mihi vtile est, sed quod multis: vt salui fiant. Imitatores mei estote, sicut & ego Christi. *1. Cor. 10.*

Præclare cum eo agitur, qui nec peccando, nec suspitione laborando, quandiu fieri potest, ac ratio sinit, offensionis scandalique materiam multitudini præbet: quippe cum, is etiam, qui vnum ex paruis offenderint, quàm certa, quàmque atrox & acerba, ab eo, qui mentiri nescit, poena constituta sit, non ignoremus. *Na. in Apolog.*

De carnalibus hominibus. CAP. LXVI.



D O N P E R M A N E B I T spiritus meus in homine in æternum, quia caro est: eruntque dies illius centum viginti annorum. *Gen. 6.*

Quod natum est ex carne, caro est. Qui de terra est, de terra loquitur. *1o. 3.*

Spiritu ambulate: & desideria carnis non perficietis. Caro enim concupiscit aduersus spiritum: spiritus autem aduersus carnem. Hæc enim sibi aduersantur. Manifesta sunt autem opera carnis, quæ sunt, fornicatio, immunditia, impudicitia, luxuria, idolorum seruitus, veneficia, inimicitia, contentiones, emulationes, rixæ, iræ, dissensiones, sectæ, inuidia, homicidia, ebrietates, comessationes, & his similia. quæ prædico vobis, sicut prædixi, quoniam qui talia agunt, regnû Dei non consequentur. *Gal. 5.*

E Caro & sanguis regnum Dei possidere non possunt. *1. Cor. 15.*

Qui secundum carnem sunt, quæ carnis sunt, sapiunt. qui verò secundum spiritû sunt, quæ sunt spiritus, sentiunt. Nam prudentia carnis mors est: prudentia autè spiritus, vita, & pax. Quoniã sapietia carnis inimica est Deo: legi enim Dei nõ est subiecta: nec enim potest. Qui autem in carne sunt, Deo placere non possunt. *Rem. 8.*

Qui carnales sunt, spiritualia facere non possunt: nec qui spirituales sunt, carnalia. Carnalis homo, mentem ad contemplationem minime exercitatam habens, vel potius eam in carnis affectu, tanquam in cæno, defosam gerens, spirituale veritatis lumen proficere nequit. *Ignat. Basil.*

Imperiti, ac mundi amore capti homines, boni naturam ignorantes, ea, quæ nullius præ-

D. IOANN. DAMASCENI

ty sunt, beata existimant, hoc est diuitias, sanitatem, Vitæ splendorē: quorum nihil sua-
 ptē natura bonum est: non eō duntaxat, quod facile in contrarium immutantur, sed etiam
 quia possessores suos bonos efficere nequeunt. Ecquis enim ob diuitias bonus est? Ecquis ob
 commodam valetudinem temperans? Contra potius vsu sepe venit, vt quodlibet horum,
 iis, qui malè vtuntur, ad peccatum inferuiat.

*Mat. in Apo-
log.* Quisnam eorum, qui in peccato prouoluti sunt, in cœlum ascendet? Quisnam terrena
 caligine, carnisque crassitie adhuc obuolutus, tota mente totam Mentem purè prospiciet, ac
 rebus firmis, & ab oculorum aspectu remotis, dum adhuc in rebus instabilibus, atque in a-
 spectum cadētibz versatur, miscebitur? Vix enim hīc quisquam, quamlibet apprimè pur-
 gatus, ipsum etiam veri simulacrum contueri queat, tanquam scilicet Solem in aquis.

Nili. Qui neglecta anima corporis curam gerunt, ei similes sunt, qui luto ac cœno oculos illi-
 Quibus si- nit, aqua autem pura pedes suos abluit.

*miles cor-
porū serui.
Didymi.* Quamuis mortalium omnium vna atque eadem animæ natura, atque item vna carnis
 substantia sit, tamen alij carnales dicuntur, alij peccati serui, alij à peccato liberi, alij in
 carne, alij non in carne (tametsi carnem habeant) sed in spiritu, alii autem viuentes qui-
 dem in Christo, mortui autem peccato, alii viuentes quidem peccato, mortui autem Chri-
 sto. Ac rursum aliis brutorum animantium nomina tributa sunt, vel cicurum, vel contra-
 ferorum atque agrestium, prout videlicet moribus comparati sunt.

De proborum virorum paucitate ac sterilitate.

CAP. LXVII.

H

*Psal. 11.
13.* **S**ALVA me Domine, quoniam defecit sanctus: quoniam diminutæ
 sunt veritates à filiis hominum. Dominus de cœlo prospexit super
 filios hominum, vt videat si est intelligens, aut requirens Deum.

*osee. 9.
Mich. 7.* Quasi vas in deserto inueni Israël: quasi prima poma ficulneæ.

Væ mihi, quia factus sum sicut qui colligit in autumno racemos vindemiæ:
 non est botrus ad comedendum. Perit sanctus de terra, & rectus in hominibus
 non est.

Hier. 49. Non est sapientia in Theman. Perit consilium à filiis: inutilis facta est sapien-
 tia eorum.

Incerti. Contractum ac rarum est bonum.

De concilio: & quòd coactò ad audiendum concilio, minimè confabulari
 oporteat.

CAP. LXVIII.

Prou. 22. **E**ST pestilens concilio: & vnà cum eo iurgium excedet. Cùm
 enim sederit in concilio, omnes contemnet. Vt quid considera-
 tiones, si non honorant concilia? In cordibus consultantium ma-
 net consilium: non parebit malus ei, neque boni aliquid & appositi
 dicet in tempore.

Eclli. Altero loquēte, ne multa verba effutias. Vbi auditio est, ne verba effundas.

De iis, quæ præter rationem eueniunt.

CAP. LXIX.

Eclli. 26. **E**ST PROCESSIO in malis viro indisciplinato: & est inuentio in de-
 trimentum. Est datum quod non est vtile: & est datum, cuius retri-
 butio duplex. Est propter gloriam minoratio: & est qui ab humili-
 tate leuabit caput. Est qui multa redimat modico pretio, & restituens
 ea in septuplum.

De